

Ngingasicela kanjani iSimo sokuThobela iNtela

- **5 kuNhlolanja 2021** – Manje usungakwazi [ukucela iSimo sakho sokuThobela iNtela lapha](#).

Qaphela: Kungenjalo ungasicela iSimo sokuThobela iNtela (TCS) ngoba unenhloso ethile (isib. ithenda) nge-inthanethi usebenzisa i-[eFiling](#).

Ngingasicela kanjani iSimo sokuThobela iNtela ngokusebenzisa i-eFiling

Uma usuyibonile i-“My Compliance Profile”, ungafaka isicelo seSimo sokuThobela iNtela ngokwenza lokhu:

- Ukukhetha ‘Tax Compliance Status Request’ kongakhetha kukho bese ubhala uhlobo lwe-TCS ofisa ukulufakela isicelo. Uzothola lokhu okulandelayo ongakhetha kukho:
 - Ubumsulwa
 - Ithenda
 - [FIA](#) Imalisabelo yoTshalomali lwasemaZweni (umuntu siqu kuphela)
 - Ukufuduka (umuntu siqu kuphela)
- Gcwalisa iSicelo seSimo sokuThobela iNtela bese usithumela kwa-SARS.

Isungqangi: Bheka [izicelo ze-FIA nokuFuduka](#) ukuze uthole ulwazi olwengeziwe ngamadokhumenti esekelayo adingekayo.

Abakhokhintela asebefudukile vele nabafuna ukudlulisela izimpahla ezisele okwaziwa nge-‘Emigrant’s Remaining Assets’ (okwakwaziwa nge-Blocked Funds) kumele bacele i-TCS ye-FIA besebenzise i-eFiling. Uma ufaka isicelo se-TCS ngokwe-FIA, lokhu kudluliswa kumele kuthathwe njengokudluliswa kwanoma iyiphi ingqalabhizinisi yangaphandle kanti nomkhokhintela kumele akhethe umthombo okuyiwo osebenzayo othi ‘Source of capital to be invested’. Inketho ethi ‘Emigrant’s Remaining Assets’ ayisekho ku-eFiling.

Uma isicelo sakho sesiphasisiwe abakwaSARS, uzonikwa isimo sokuthobela intela esiphelele kanye ne-PIN. Ungacela ukuthi i-PIN ithunyelwe kuwe nge-SMS ukuze ukwazi ukubona i-“Tax Compliance Status Request” kuphrofayili yakho ye-eFiling. I-PIN ungakwazi ukuyiphrinta ibe yincwadi yomphumela we-TCS.

Isungqangi: Uzonikwa i-PIN ehlukile njalo uma wenza isicelo.

I-PIN yeSimo sokuThobela iNtela

I-PIN ikunika indlela yokugunyaza namuphi umuntu wesithathu ukuba abone isimo sakho sokuthobela intela ku-inthanethi ngokusebenzisa i-eFiling. Uma usunike umuntu wesithathu i-PIN, i-PIN izonika inhlangano efanele noma umnyango kahulumeni ithuba lokubona isimo sakho sokuthobela intela ku-inthanethi. Izobanika sonke isimo sakho sokuthobela intela ngosuku nesikhathi ababheka ngaso esikhundleni sokuthi

babone ukuthi isimo sasithini ngosuku owanikwa ngalo i-PIN. Ukuze sivikele ubumfihlo bolwazi lomkhokhintela, alukho olunye ulwazi abazokwazi ukuluthola.